



ENQUISA DO PERFIL DE INGRESO DO ALUMNADO DO GRAO EN BIOLOXÍA DA FACULTADE DE BIOLOXÍA DA USC

Curso Académico: 2018-2019

**Aprobado pola Comisión de Título do Grao en Bioloxía o 19/02/2020
Aprobado pola Comisión de Calidade da Facultade de Bioloxía o 27/02/2020**

Alumnos/as de nova matrícula	p. 3
Procedencia académica do alumnado	p. 3
Probas de acceso a Universidade (ingreso)	p. 4
<i>Asignaturas elexidas e rendimento nas mesmas</i>	p. 4
<i>Nota de acceso (ABAU)</i>	p. 4
Elección de Grao e Universidade (ingreso)	p. 5
Anexo	p. 7

Alumnos de nova matrícula

No curso 2018-2019 a Facultade de Bioloxía ofertou 110 prazas para cursar o Grao de Bioloxía (das que 10 corresponden ao Dobre Grao Química-Bioloxía) que foron cubertas.

A gran maioría do alumnado procede do Bacharelato (LOMCE) de Ciencias e superaron as probas de Avaliación do Bacharelato para o Acceso á Universidade (ABAU). Así, no curso 2018/19, o 1,9% do alumnado procede das probas para maiores de 25 e 40 anos, o 1,9% de Formación Profesional, o 1% cursou outro grao na USC, e o 95,2% restante das probas de acceso a universidade.

Ao inicio de cada curso académico a Facultade de Bioloxía organiza un acto de acollida para o alumnado de primeiro curso, o que facilita a realización da enquisa de perfil de ingreso (Anexo). Na devandita enquisa consultóuselles sobre a nota de acceso, as materias que cursaran no bacharelato, as materias das que se examinarán na proba xeral e na específica e as cualificacións obtidas, así como a orde de prelación dos grados nos que solicitaron o ingreso e as universidades correspondentes.

A enquisa realizouse en setembro de 2018 ao alumnado que accedeu no curso 2018/19, contestando a enquisa 90 alumnos/as de novo ingreso no Grado de Bioloxía e 17 do Dobre Grao Química-Bioloxía polo que a consideramos representativa xa que o número de prazas ofertadas foi de 100 para o Grado en Bioloxía e 20 para o Dobre Grao Química-Bioloxía.

Os resultados máis destacables dos datos aportados por los alumnos resúmense a continuación.

Procedencia académica do alumnado: Materias cursadas no bacharelato

O alumnado que accedeu ao Grao en Bioloxía, das materias de 1º curso de bacharelato o **82% cursou Bioloxía e Xeoloxía, o 84% Física e Química e o 78% Matemáticas I**. Respecto as asignaturas de 2º curso de bacharelato o **99% cursara Bioloxía, o 96% Química e Matemáticas II**, o 44% Ciencias da Terra e do Medio Ambiente e tan só un 32% Física.

No caso do alumnado do Dobre Grao Química-Bioloxía, o **88% cursou Bioloxía e**

Xeoloxía, Física e Química e Matemáticas I en 1º curso de bacharelato. Respecto as asignaturas de 2º curso **todos os alumnos/as cursaran Bioloxía e Matemáticas II**, o **94% habían cursado Química**, o 59% Física e o 29% Ciencias da Terra e do Medio Ambiente.

Probas de acceso a Universidade (Ingreso)

Asignaturas elexidas e rendemento nas mesmas

Os resultados da enquisa realizada aos/as alumnos/as que accederon ao Grao en Bioloxía indican que a maioría examináronse de Bioloxía (85%), Matemáticas (82%) e Química (76%), e so o 7% o fixo de Física.

Os mellores rendementos son para Bioloxía (mediana de 7,5 puntos sobre 10) e Matemáticas (mediana de 7,25 puntos sobre 10). En Química e Física as medianas foron de 6,75 e de 6 puntos respectivamente. Os primeiros cuartiles sitúanse moi próximos ou por riba de 5 puntos (4,94 en Física). Moi poucos alumnos/as suspenderon os exames: 2 alumnos/as suspenderon Bioloxía, 8 Matemáticas e 10 Química, o que representa o 2,5%, o 10% e o 14% dos que se examinaron. A materia con peores resultados é a Física que non foi superada polo 33% dos alumnos que se examinaron dela (Figura 1).

Para o alumnado que accedeu ao Dobre Grao Bioloxía-Química, os resultados son similares ao dos/as alumnos/as do Grao de Bioloxía, neste caso o 94% dos enquisados examináronse de Bioloxía, o 88% de Matemáticas, o 82% de Química e o 24% de Física.

No alumnado do dobre grao os mellores rendementos son para Química (mediana de 8,63 puntos sobre 10) e para Bioloxía (mediana de 8,25 puntos sobre 10). As medianas das cualificación de Matemáticas e Física son de 6,5 e 5,75 puntos (sobre 10) respectivamente. Os primeiros cuartiles sitúanse por encima de 5 puntos, excepto para Física (4,81). Todos os alumnos superaron as probas de Bioloxía e Química. So 3 alumnos/as suspenderon Matemáticas (19% dos que se examinaron) e 1 Física (25% dos que se examinaron) (Figura 1).

Pódese concluir que o alumnado que accede ao Grao en Bioloxía e ao Dobre Grao Bioloxía-Química que se imparten na Facultade de Bioloxía cursou maioritariamente as materias de Bioloxía e Xeoloxía, Física e Química,

Matemáticas I, Bioloxía, Química e Matemáticas II. Isto plásmase na elección das materias das que se examinan na ABAU que adoitan ser Bioloxía, Química e Matemáticas, nas que aproban mais do 88% e presentan una notas cuio valor da mediana corresponde a unha cualificación de notable salvo excepcións. Un 21% dos/as alumnos/as que acceden ao Grao en Bioloxía pode presentar importantes carencias formativas en Química e un 19% dos que acceden ao Dobre Grao Bioloxía-Química en Matemáticas.

Nota de acceso da ABAU

O 96,5% do alumnado que contestou a enquisa ten unha nota de acceso ao Grao en Bioloxía da USC maior ou igual a 10 puntos sobre 14 (entre 10 e 13,6), sendo o valor da media e da mediana de 11,1 puntos. So 3 alumnos teñen notas menores (6,6; 8,0 e 8,8) ao acceder a través doutros procedementos previstos na lei (probos de acceso a maiores de 25 ou 45 anos, titulados universitarios, deportistas de élite, ...).

O rendemento nas probas da ABAU do alumnado do Dobre grado é superior ao do alumnado de Bioloxía, todos teñen unha nota superior a 11 sobre 14 (entre 11,1 e 13), cunha media de 12,1 e unha mediana de 12,2 puntos.

Pódese concluir que o alumnado que accede ao grao en Bioloxía e ao dobre grao Bioloxía-Química que se imparten na Facultade de Bioloxía é un alumnado con notas de acceso de notable.


Elección de Grao e Universidade

Para o curso 2018/2019, a porcentaxe de alumnos/as que seleccionaron o Grao en Biología da USC como primeira e segunda opción foi do 65,6% e do 26,9% respectivamente. Mais da metade do alumnado que seleccionou Bioloxía como segunda opción, seleccionara os outros graos que se imparten na Facultade de Bioloxía como primeira opción (Biotecnoloxía e o Dobre Grao Bioloxía-Química).

O 75% do alumnado que accedeu o dobre grado Bioloxía-Química indicou que esta era a súa primeira opción, do resto o 18,75% tiña como primeira opción o Grao en Biotecnoloxía da USC.

Pódese concluir que a maioría dos/as alumnos/as que cursa estudos do grao en Bioloxía e do dobre grao Bioloxía-Química na Facultade de Bioloxía da USC, seleccionaron estes estudos como a súa primeira opción.

Figura 1. Distribución dos valores da nota na ABAU por materia dos/as alumnos/as que acederon aos estudos de grao en Bioloxía e dobre grao Bioloxía-Química na Facultade de Bioloxía no curso 2018/2019. As caixas representan os cuartis e os bigotes os valores mínimos y máximos para as distintas materias (B: Bioloxía, F: Física, M: Matemáticas e Q: Química). A liña vermella representa o valor de 5. Inclúese tamén a porcentaxe do alumnado que realizaou as probas de cada materia (liña negra).



Anexo. Enquisa do perfil de acceso



ENQUISA PERFIL DE INGRESO

1) Nota da PAU de acceso ao Grao :

2) Materias cursadas en Bacharelato (contesta Si/Non no espazo adxacente):

Bioloxía e Xeoloxía	
Física e Química	
Matemáticas I	
Bioloxía	
Química	
Xeoloxía	
Física	
Matemáticas II	
Ciencias da Terra e do Medio Ambiente	

3) Materia obrigatoria de modalidade da que te examinaches na ABAU (inclúe a nota que obtiveches, se te acordas ou a podes consultar, na paréntese):

.....(.....)

4) Que materias escolliches para a fase específica da ABAU? (inclúe a nota que obtiveches, se te acordas ou a podes consultar, na paréntese):

.....(.....)

.....(.....)

.....(.....)

.....(.....)

5) Cal foi a túa orde de prelación dos graos que escolliches e en que universidade?

Opción	Grado	Universidade
Primeira		
Segunda		
Terceira		
Cuarta		